

PRO HIPPOCRATIS ET GALENI MEDICINA ADVERSUS QUERCETANILIBRUM de Priscorum Philosophorum veræ Medicinæ materia, præparationis modo atque incutandis morbis præstantia.

*Accessit Censura Scholæ
Parisiensis.*



PARISIIS,

Ex Officina Plantiniæpa

Apud HADRIANVM PERIER,
via Iacobæa.

M. D. CIIII DE MARS



ÆQVISSIMO SENATVI
MEDICORVM PARISIEN-
sium collegium sanitatem.

RANDIV Stetit Respublica
Romana (Senatores æquissi-
mi) quandiū moribus anti-
quis vixit, & seniores in
consilium adhibuit: Novi-
tatis studium illam & florentissimas alias
ciuitates perdidit. Quam sapienter scripse-
rit Euripides, omnes magnas mutationes
esse funestas nostro malo experti sumus, à
quo vix dum liberè respiramus: propterea
gestabat collo laqueum quicumque Romæ
nouas leges proponebat: Vtinam hoc modo
prodirent in publicum qui Hippocratis le-
ges de benemedendo gentium omnium vno
consensu tot sæculis approbatas, abrogare
cupiunt Vt impij Pseudomedici Alchymia
in eius locum sufficiant: Vtinam ex decretis

Aegyptiorum: morte punirentur quicumque aliis quā consuetis & ordinariis remediis agros curant. Vestrum est prohibere ne serpat latius hoc virus, agitur enim de vestra & civium omnium vita quam nos quotidie servamus remediis quorum maiores nostri tulerunt pericula: Isti periclitatores suorum in vobis volunt facere periculum (Dij talem terris auertite pestem) Sua remedia hoc tantum nomine commendant quod sint gratiora, quia materiae foecibus repurgata. Nos praeferrimus materiata, quia formarum physicarum vires à quibus manant omnes actiones, sine materia certo modo temperata sunt otiosae & inefficaces. Huius controuersiae praecipua capita vobis ob oculos ponimus, ne videantur damnari indicta causa: supplicesque à vobis petimus, ut reuiuifcat singulare senatuscōsultum quo cauetur nequis Lutetiae de medicina quidquam in lucem edat quod non sit à Medicorum collegio approbatum.



APOLOGIA

PRO HIPPOCRATIS
ET GALENI MEDICINA
aduersus Quercetani librum
de priscorum philosophorum
veræ Medicinæ materia, præ-
parationis modo atque in-
curandis morbis præstantia.



Q V E M A D M O D V M
qui publicum fontem
veneno infecit graui-
ùs punitur quàm si pri-
uatum hominem eodem sustu-
lisset, quia malum quò commu-
nius eò deterius; ita seueriùs le-
ges in eos animaduertunt qui
scripto publico falsas opiniones
spargunt in vulgus, quàm si iur-

priuatis colloquijs temerè eas ef-
 futirent : propterea Principum
 edictis & senatusconsultis cau-
 tum est, ne quis Theologiæ aut
 Medicinæ libros in lucem emit-
 tat qui priùs non fuerint reco-
 gniti & probati à Censoribus
 quos altervtra facultas nomina-
 rit : Horum est prouidere ne le-
 ctorum animos hoc venenum
 contamiñet, quod tantò peiùs
 censendum est, quanto animi vi-
 tia vitijis corporis sunt deterio-
 ra : Ausus est tamen non ita pri-
 dem Quercetanus suas ineptias
 spargere in vulgus Medicis in-
 consultis, quinetiam senioribus
 eas probari publicè profiteri,
 Quid potest ab eo sperari qui à
 tam insigni mendacio tantæ
 molis opus exorditur ? De sexa-
 ginta Medicis Parisiensibus non
 est repertus vnus qui istius Ma-

tæothecnias principia non eiur-
 rarit, eiúsque librũ vt barbarũ
 & insulsum non dānarit. Omnes
 vno consensu palàm professi
 sunt eius scripta non tantũ ef-
 se falsa sed etiam ridicula, non
 modò quòd infinitis scateāt so-
 læcismis quales si trium men-
 sium grammaticulus committe-
 ret castigaretur ferula, sed etiam
 quod in re tot ferè sunt peccata
 quot verba: Illis castigandis vna
 litura sufficiat! Pudet me in his
 refellendis operam nauarè &
 bonas horas tam malè locare:
 quia tamen mei collegæ hanc
 prouinciam mihi demandarunt,
 ne serpat virus & incautos per-
 dat, singulos errores minutis
 punctis non colligam (excrese-
 ret enim opus in immensum) sed
 summa sequar fastigia, conten-
 tus ero præcipua capita exami-

nare, vt his veluti signis admonitus lector, in reliquis fit cautior: ex his vnguibus dignoscat leonem! Sunt partes Magistratus in prestigiatores animaduertere qui specie recti ciuibus illudunt.

TRIBVS sectis Medicorum: Empiricæ Rationali & dogmaticæ tu adiungis. Quartam quã vocas Hermeticam quia authorem habeat Mercurium Trismegistum: At Platonici melioris notæ si nescis Quercetane, Trismegistum illum cuius quæ extant scripta nihil nisi altum & sublime spirant, Mosem fuisse profitentur: scilicet intentus Moses regendo populo duræ ceruicis, sese demittebat ad fornacariam, fiebat ex deo sufflo:

Credendum potius Paracelso,
 Alchymix authori clarissimo,
 quam tibi qui non meruisti il-
 lius esse suffragio : At ille fallacis-
 istius artis primum authorem
 perhibet Cacodæmonem : lib.
 de origine morb. Inuisibilium
 proinde illius opinione Al-
 chymia à primo inuentore Dia-
 bolica potius quam Herme-
 tica nuncupanda est : Ad imita-
 tionem Legislatorum qui vt au-
 thoritatem suis legibus conci-
 lient, solent earum inuentio-
 nem alicui Numini vindicare :
 Ille mendacem artem auctori
 mendaciorum acceptam tulit.
 Verumtamen esto Hermetica,
 an ob id Quarta secta introdu-
 cenda fuit quæ differat ab Em-
 pirica? Remedia, inquit Gale-
 nus, quædam cum ratione: Alia
 experientia duce sunt reperta:

Hæc in methodum redigi non possunt nec arte concludi, quia Apodiëctica disciplina singula docet per causam: At Spagyrica remedia non sunt cum ratione, sed experientia reperta: Occultæ enim sunt proprietates, Diuinæ essentiæ, Hippocratis τὸ θεῖον, occultum quid & inexplicabile Ergo sunt Empirica, ideóque inartificialia: Itaque duo simul peccata committis; primum, quod spagyrica remedia distinguas ab Empiricis & quartam sectam introducas: Secundum, quod Chymiam veram artem & scientiam perfectam Medendi nuncupes, cum neque ars sit neque sciëntia. Hoc ut pateat euidentius quia est primū artis principiū, in principiis autē cuiusque artis examinādis diligēter laborandū iubent Pla-

to & Aristoteles, quia ex vno principio falsò aut malè intellecto dependent innumerabiles conclusiones falsæ. Sinat me lector in hoc campo paulò liberius exspatiari.

Tres sunt opifices qui Medico non aliter ministrant quam operarij Architecto, Pharmacopœus, Chirurgus, & Clinicus: Ideo enim Aristoteles Medicinam Architectonicam appellavit quod Medicus præsit & imperet istis tribus artificibus: singulisque agendi formulam præscribat: Pharmacopœo, hoc remedium & hac forma ægris exhibendum, Chirurgus, hanc venam secandam, hîc admouendum cauterium: Clinico, hunc victum & hoc tempore præbendum: Atqui Pharmaceutices

dūo sūnt præcipua officia, vnum in delectu, Alterum in præparatione remediorum: pharmacopœi præparant remedia multis modis; Coctione, Infusione, Expressione, Distillatione: hoc posteriore modo solent aquas & olea, quæ dicitis balsamica, extrahere: vobis cautiore nolunt ignem & operam perdere in extrahendâ quinta essentia, quia in mundo sublunari nulla est substantia ab elementaribus quatuor distincta, quæ si esset, citra controuersiam materiæ inseparabiliter cohæreret, quādoquidem omnes formæ physicæ à suo subiecto sunt inseparabiles: Magna dissensione certant physici si ratione & mentis opera possint separari, tantum abest vt reuera sint separabiles: Vt vt sit, ex his manifestum est Alchy-

miām esse minimam partem
 Pharmaceutices, Distillatores
 esse ministros Pharmacopoeo-
 rum, vt sunt Pharmacopoei Me-
 dicorum. Quæ perhibetur à vo-
 bis artium Regina, est Pharma-
 ceutices Ancillula: potestis istā
 partem Pharmaceutices quæ est
 de præparatione remediorum
 distillationum multis formulis
 amplificare & illustrare; Nouam
 artem constituere non potestis,
 nisi eodem iure ceteros præpa-
 randi modos nouas artes facere
 confiteri velitis. Cur enim no-
 men artis destillationi concede-
 tur, coctioni, infusioni, aut ex-
 pressionis denegabitur? Interest
 Reipublicæ Medicum à Phar-
 macopoeo ita distingui vt vnus
 præscribat, alter operetur, quia
 nisi essent distincti artifices pos-
 set vterque quando lubet ægrū

impune occidere, possent singuli fel pro melle, venenum pro remedio propinare.

Huic malo vt occurreret Magistratus, voluit penes Medicum esse scientiam & imperium, penes Pharmacopœum operationem & obsequium: si liceat Spagyricis quæ ipsimet domi parât remedia ægris exhibere, quis modus pretio statuetur ! Ipsi ster-
cus caprillum in aurabunt & propilulis verè aureis quolibuerit pretio venditabunt : Pharmacopœorum deinceps inanis erit opera, inanes officinæ: Introdu-
cta ista confusione, ordo Reipublicæ iam à multis sæculis probatus subuertetur, afferetque tandem ista insignis mutatio toti Reipubl. manifestum detrimen-
tū, nisi magistratus pro sua prudentia prouiderit : Nostrum est.

imminentis periculi illum admonere ne cum acciderit acculemur negligentię, vecordię, aut dissimulationis.

Potestne Respublica carere hac medicamentorum præparatione sine vlla iactura sanitatis? Quidni? Caruit olim Hippocratis & Galeni temporibus: nec minùs bene, ausim dicere melius tum fiebat Medicina. Medendi enim perfectio non consistit in varia præparatione remediorum, ut vobis falsò persuasum est, sed in dignotione morbi, qui potest dignoscere morbum, inquit Hipp. lib. de arte: potest mederi. Nihil difficilius, nihil in arte medendi præstantius, quàm partem affectam, causam & speciem morbi cognoscere: in hoc vertitur summa laus artis, Morbo enim cognito, ars tot suppeditat reme-

dia, tot suggerit præparationis modos, vt liceat mediocriter doctis vndique quæ velint seligere, sufflones bonarum artium ignari existimant summum decus Medicinæ consistere in remediis per destillationem præparatis: At inquam isto præparationis modo vt caruit olim, ita carere potest Medicina: Demus tamen esse vtilem neque negligendum, Attamen operatio Pharmacopoeis relinquenda erit, indigna medici maiestate, cuius est præscribere non operari.

Quid si inutilem esse plûsque detrimenti quàm commodi adferre Reipublicæ profitear? Remedium enim quod minore pretio comparari potest semper est præferendum, si modò vtriusque par sit utilitas, Atqui vulgaria nostra remedia

longe minoris vaneunt quam Chymica : Non ita pridem conquestus est apud me nobilis quidam, quod Medicus Spagyricus exegisset centum libras pro extracto Rhabarbari : Dispaream, inquit, si magis fuerit commota alius quam fimi caprilli quinque globulis.

Adhæc, remedium quò tutius est melius At remedia vulgaria quorum maiores nostri rulerunt pericula, sunt securiora : Chymica, præsertim purgantia, ut Antimonium & præcipitatum, sunt plena periculi : vulgaria si non prosint saltem non nocent : At Chymica relinquunt malam diathesim, in partibus nobilibus : Perpauci vñ sunt frequenter Antimonio aut præcipitato qui immatura morte non sint sublati : vix attin-

gūt annum quinquagesimum.
 Noui Spagyricos qui agris ista
 solent imperare, ipsi tamen cū
 ægrotant vtuntur nostris: præ-
 ferunt cassiam Antimonio, sen-
 nam præcipitato; quia omne
 violentum naturæ est inimi-
 cum. Vt natura consistit in me-
 diocritate, ita omni excessu
 corrumpitur: Medici qui ex
 Græcorum & Arabum doctri-
 na faciunt Medicinam sunt a-
 mici naturæ, malunt benignis
 vti remedijs quàm deleterijs.
 Malunt bis aut ter benigno,
 quàm semel violento medica-
 mento purgare: Habent ad ma-
 num violenta, vt Elleborum,
 Scammonium, Colochinti-
 dem, Cyaneum lapidem: qui-
 bus tamen etiam correctis,
 vt confectiōnibus diagrediatis
 tam multorum seculorum ex-

perientia confirmatis , nun-
quã nisi magna cautione vtun-
tur , obseruatis diligenter infi-
nitis diorismis, viribus ægri ,
ætate, sexu , temperamento : si
aliquot granis dosis Antimonij
aut Præcipitati superetur, mor-
tis imminet discrimen : Vulga-
rium remediorum quantitatem
qui excesserit , non incurrit
mortis periculum , Atqui Me-
dicina est ars vulgatissima qua
docti & indocti vtuntur : Ita-
que ex Chymicorũ remedio-
rum vsu certius imminet exitiũ:
Non dubito quin ista remedia
à Diabolo sint iuuenta in rui-
nã generis humani:serpens iste
maligna excogitauit pro beni-
gnis,quæ suo clienti Paracelso
communicauit in vulgus dis-
pergenda, pauca bona vt aquas
& olea immiscuit, vt deleteria

illa essent gratiora.

Succurrit aliud Censura dignum, quod quintam essentiam nomines lapidem Philosophorum & Chymiam: Artem conficiendi aurum; quasi sit ars vna quæ quintam essentiam extrahit & quæ conficit aurum. Ad quem scopulum video fere Chymicos omnes impingere: Atqui vnius artis vnicus finis, non possunt eiusdem artis duos esse fines vsque adeò differentes, metalla transmutare in aurum, & quintam substantiam igne elicere: Nam quintam essentiam quærunt. Spagyrici ad sanitatem sanis conseruandam & vitam producendam necnō ægris restituendam: At Chrysopœi, lapidem Philosophicum perquirunt vt ditescant, quid enim aliud inuitauit Iaso-

nem ad vellus aureum quàm Chrysopœia? Poëtæ velleris aurei figmento hanc artem, si diis placet, designarunt. Ægyptij infinitos libros de arte transmutandi mettalla in aurum reservabant quorum beneficio tam potentes erant opibus & armis vt Romanorum impetus sustinerent: At inquam Moses ille ter Maximus erat Ægyptius, quare ergo relictâ Ægypto quærebat terram promissionis cum esset insignis Spagyricus? An non terra illa promissionis feracior erat lapidum Philosophicorum? an illic doctius exercebatur Chrysopœia? His & similibus nugis ita credulos infatuaſtis vt relictis solidioribus disciplinis ad deliram hanc & præstigiaticæ artem conuolent, umbras præ-

ferant rebus : factitium aurum naturali : Quousque tandem permittet Magistratus inani spe & vanis pollicitationibus illudi plebi ? Quousque licebit in foueam calamitatis sese precipitem dare ? Sanè vt sæuiunt leges in eos qui sibi violentas manus inferunt, ita puniendi sunt adolescentes qui lapidis Philosophici inani spe, quò cætera metalla in aurum transformant paternam hæreditatem decoquunt, sed maiori seueritate coercenda est eorum licentia qui editis libris sese istius calamitatis fautores profitentur : Malè sit arti quæ sui studiosos tam miserè perdit : peius imprecandum artis Magistris qui proprio cauti periculo, nihilominus suæ paupertatis quærent socios. Vnicum

est hoc miserorum solatium
multos habere pares.

*Fœlix quem faciunt aliena pe-
ricula cutum.*

Verùm pergamus : Demo-
critus, inquis, in lapidis Philo-
sophici inuestigatione pluri-
mum sudavit. Fuit nobis author
tanti boni; Potuitne sentire vo-
biscum qui rerum naturalium
constituit principia à vestris
tam differentia ? concretionem
enim insectilium corpusculor-
um fieri omnia existimavit ,
omnes affectuum & motuum
Physicorum causas ad hæc
principia reuocavit, At Aristo-
teles Atomorum figmentum
tam sapienter confutavit, cor-
pora naturalia non fieri con-
cretionem sed mixtione tam do-
cte demonstravit, vt mirer vos

Physicum tam ineptum vestræ
 Medicinæ authorem profiteri:
 Si in atomos resoluantur & ex
 eisdem oriantur omnia, falsum
 est omnia in salem, sulphur &
 Mercurium occidere: si vnum
 verum alterum falsum: Atqui
 Democritus qui vobis est au-
 thor singularis, ex Atomis com-
 ponit omnia & in atomos ea-
 dē resoluit: ergo malè Paracel-
 sus ex tribus commemoratis
 principijs omnia consurgere
 existimavit.

Ad transmutationem metal-
 lorum & lapidis Philosophici
 perquisitionem opus est visu
 perspicaci, neque enim cæcus
 iudicat de coloribus, Atqui
 Democritus dicitur sese ex cæ-
 casse vt philosopharetur libe-
 rius: Ergo Democriti Philoso-
 phia non erat Alchymia: sanè
 hic

hoc solo quod sibi eruerit oculos ad liberiùs philophandum videtur mihi desipuiffe, nec fallebantur Abderitę cùm illum solitudines quærentem iudicarent melancholicum. Hippocrates tamen ab illis ad curationem vocatus, inuenit illum occupatum in dissectione animalium, vt eorum naturas scrutaretur: quæ est vera Alchymia : Veruntamen fuerit Democritus Spagyricus, debetne cœcus aliis monstrare viam? quid est quod exemplis non possit confirmari? posticæ Veneri repugnat natura, nullaque voluptas turpior, possum tamen Imperatorum & Philosophorum innumeris exemplis illam suadere : Non est considerandum, inquit Plato quis faciat sed quid fieri debeat: Vide

quam longè à tuo scopo & instituto aberraris : Propositum tibi erat commendare eam Alchymix partem quæ versatur in extrahenda quinta essentia ad hominum sanitatem, tu profers exempla insignium virorum qui in lapidis philosophici inuentione bonam vitæ partem traserunt. Quamplures Medici bonæ notæ Mesueus , Actuarius, Rhasis , olea & aquas per distillationem extraxerunt , lapidis philosophici nunquā meminērunt. Ità solent plagiari, qui ex aliorum plumis sua scripta exornant , quæ vndique conuerunt sine delectu collocare. Hæc ferè ad verbum ex cap. 2. lib. 4. Ioh. Mirandulæ de auro transcripsisti si quid immutasti, peius reddidisti.

An ars possit aurum efficere.

Natura est internum , Ars
externum principium: Na-
tura res suas perficit & exornat
essentialem formam, quæ est princi-
pium efficax & omnium motio-
num causa : Ars non potest dare
rebus suis aliam quam aduenti-
tiam formam seu figuram & cõ-
positionem : Formatum natu-
ralium duæ sunt primæ differen-
tiæ, Natura, & Anima : Ad ani-
mandum opus , duo præcedant
necesse est , materiæ certa tem-
peries & legitima singularum
partium conformatio : Homi-
nis artificialis nemo possit sin-
gula membra, vt ita dicam, or-
ganisare, multò minùs contem-
perare , hoc est singulis suam
temperiem dare quæ conueniat

obeundæ functioni : Homi-
 nem bene temperatum prius
 oportuit , quàm Prometheus
 quem clepserat ignem infunde-
 ret: Non est artifex qui tale quid
 piã audeat polliceri : Ponamus
 itaque pro rato quod animate
 solius naturæ & Dei sit opus: Re-
 liquum est vt consideremus si
 alterum genus formarum nem-
 pe naturam artifex suis operibus
 dare possit. Res inanimatas, vt
 lapides , & metalla sola regit na-
 tura; ea autem est forma corpo-
 rum similarium, si mauis , Infi-
 tum principium facultatum &
 functionum : Hoc agendi prin-
 cipium vt acquiratur , non est
 necesse prius materiam esse
 conformatam; neque enim tan-
 tum operæ, & industriæ requiri-
 tur ad opus vilius & abiectius,
 satis est si sit naturæ congruen-

ter temperata : Temperies enim vel est forma ipsa, vel principium ex quo forma procedit, sine qua suas actiones edere non possit : Magnes trahit ferrum vi formæ seu proprietate substantiæ, si eius temperiem violaris litu alij velocius, sua actione illum spoliaret : Atqui non potest ars dare metallis aut gemis, actionibus obeundis congruentem temperaturam, proinde neque formam ; nisi fortè accidentariam : Vnumquodque per formam est id quod est, Atqui vt res artificiales differunt figurâ, colore, duritie, & aliis accidentibus : Ita naturales, substantiali formâ, quæ sola est efficax, sola materiam communem metallorum in certam speciem adducit. At inquam non potest ars talem dare formam, sed arti-

ficialem duntaxat : pingat aut
 sculpat artifex plantam ; mus-
 cam, magnetem, nunquam da-
 bit illis agendi principium :
 Planta picta aut sculpta non nu-
 trietur, non accrescet non edet
 cæteras actiones à proprietate
 substantiæ emanantes : Magnes
 sculptus nō attrahet ferrū, quæ
 est proprietas specifica à vero
 & naturali magnete inseparabi-
 lis : Laboret Chymicus quan-
 tum volet in auro ex alijs me-
 tallis aut alia quavis materia
 conficiendo ; erit aurum artifi-
 ciale non naturale, factitium
 non natium, Apparens non
 verum, Fucatum denique & so-
 phisticum ; Erit quidem simile
 auro naturali eiusque speciem &
 imaginem referet figurâ, colore,
 duritiæ ; non erit tamen verum
 aurum, quia non habebit auri

temperiem & formam essentialē, nec possidebit eas vires quę ab auro naturali sunt inseparabiles : Verum aurum exempli gratia est singulare cardiacum , Vitalem facultatem roborat, resistit venenis. Chymicum his viribus non potest esse prædictum, quia omnes procedunt a forma naturali, hæc à temperie & certo modo mitionis, qui authore Galeno soli Deo & naturæ cognitus est.

Obiiciunt Sophistæ stultum esse pugnare ratione contra sensum, experientiam in agendis esse certam regulam diiudicandæ veritatis : Atqui inquit constat quamplurimos fecisse aurū. Quomodo constat? quorum authorum fide nisi Fascinatorum? quibus nisi fallacibus experimentis? Aut Magi præsti-

giatores spectantiū oculos fascinarunt: Aut cautus Chymicus veri auri nonnihil in furnum clanculūtm immisit, vt credulos falleret, & in maiorem spem erigeret, atque ita facilius eorum loculos exhauriret: Aut ex metallis per secretionem effecit, non per transmutationem: Vnicuique enim metallo inest aurum, verū alijs plūs, vt auri-chalco & æri, alijs minus, vt plumbo & ferro, secerni potest id tantillum quod inest, sed hoc non est aurum facere, sed iam à natura factum separare, quidni in ista secretionem artificiali plures hodie laborant? quia sūptus excedit quæstū: *Cū labor in dāno est, crescit mortalis egestas.*

Confusio: est liquidorū interse-
se cōmixtio, vt vini cum aquā, hoc modo naturalem mixtionem imitari possunt Chryso-

pœi, sed confusa separari possunt,
 vt hederę vase aqua à vino, non
 enim sunt tota totis permista :
 Argenti viui & auri confusione
 fit aurum quod etiam peritiores
 fallit, Igne tamen à se inuicem se
 parari possunt : quid multa? po-
 test ars naturam imitari, inò ad
 sensum tam bene opus naturæ
 exprimere, vt non possit nisi val-
 dè peritus aurifex fallaciam de-
 tegere ; qui potest melius fallere :
 spagyricus melior iudicatur. No-
 ta est Parmenonis historia : In
 publico theatro cum populi ma-
 gno applausu suis grunitum ex-
 primebat, Alter porcellum sub
 palliolo occultauit, qui natura-
 lem grunitum ederet, sperans fo-
 re vt maiore applausu vox natu-
 ralis quam artificialis exciperetur :
 omnes tamen acclamarunt :
 (Nil ad Parmenonis suam) Igna-

ua plebecula, falsi & veri nescia, sæpe numero artificiale præferet naturali: decipitur facile specie recti: sed peritis in arte credendum est, penes aurifices iudicium esto quorum est Chrysopœiæ technas detegere.

Ex his patet quod aurum artificiale etiamsi veri & genuini auri speciem optime referat, tamen non mereri nomen auri, quia ab eo quod dat esse sumenda est denominatio: Atqui naturalis forma auri non inest factitio, quia neque temperiem habet, neque vires & proprietates auri natiui; proinde non simpliciter, sed cum adiunctis debet dici aurum: Artificiale, Factitium, Fucatum, Adulterinum, denique Sophisticum. Prudenter Senatus extra ditionis Venetorum fines, tales aurifices ablegavit,

tanquam adulteratores monctæ
& pernitiem adolescentum qui
auri amore cœci, paternam hæ-
reditatem inanisper decoquunt.

*An aurum sit finis omnium
Metallorum.*

IN operibus artis differt finis à
forma, Nam scrinij forma est
synthesis, legitima partium dis-
positio: finis, pecuniæ conserua-
tio: forma domus est artificia-
lis structura, finis, nos & nostra
ab externis iniuriis deffen-
dere: At in rebus naturæ dif-
ferunt quidem ratione, sed
reuera vnum sunt: finis enim
naturæ generâtis, post alteratio-
nes multas tandem fit forma
operis perfecti: Naturæ inten-
dentis hominem finis est anima
rationalis, preparatur enim cor-

pus ut tandem illa introducatur
 (est id cuius causa) cum pri-
 mum illa accessit opusque perfici-
 cit, incipit nomine formæ nuncupari. Atqui uniuscuiusque metalli sua est forma per quam est id quod est, à propria forma unumquodque metallum proprias habet facultates, habet peculiarem temperaturam: Ergo generationis metallorum non est vnus finis: Præterea eadem sunt totum, finitum & perfectum: Totum, verò dicitur cui nihil deest, proindè cum plumbum sit finitum & perfectum: est totum nihilque illi deest, quo iure igitur ad perfectius aspiraret? In ea forma per quam est veluti in extremo fine, con- quiescit, Alioquin plumbum erit aurum crudum, facietque natura prius plumbum, quam

faciat aurum: At in mineris auri nihil tale obseruatur: Nam si natura transmutaret plumbum in aurum quemadmodum chylum in sanguinem, plumbum proiectum in mineram auri, tandem fieret aurum; aurifica enim vis indita terræ habet materiam idoneam:

Singula metalla sunt substantiæ completæ, totidémque metallorum species constituunt: Atqui si vna species in alteram mutaretur, mundus non esset perfectus, cui pars aliqua deesset, sunt enim species illius primæ partes, natura ex hypothese metalla omnia transformet in aurum (posito enim possibili nihil sequitur absurdi) erit vnica species metallorum. Ergo quia partes mundi ad illius ornatum & perfectionem à natura con-

stitutæ sunt, illum absentia sua
 mutilum & imperfectum red-
 dent. Ad hæc natura absoluto
 plumbo subsistit, quia habet ex-
 tremum quo referebatur: perfe-
 cto chylo non consistit, sed per-
 git ad sanguinem, quia sanguis
 erat illius finis, Chylus substan-
 tia erat incompleta : Materiæ
 plumbi tam bene est sub sua
 forma, quàm auro sub sua, quia
 vtraque habet materiam suo
 modo temperatam actionibus-
 que proprijs obeundis. conue-
 nientem : Non est igitur aurum
 finis cæterorum metallorum:
 cumque natura non conetur ex
 plumbo efficere aurum, frustra
 ars illius imitatrix: hoc ipsum co-
 nabitur, efficiet quidem ex alijs
 metallis quidpiam auriforme
 non aurum.

*Chymicorum remedium cum ordi-
narijs & consuetis accu-
rator comparatio.*

QUæcunque mundo sublu-
nari continetur tam anima-
ta quàm inanimata, occurrunt
Medicis vt alimenta, medica-
menta aut venena: (Alexiphar-
maca enim ad venena reuoco)
differunt alimenta à venenis,
quod illa conseruēt, hæc destru-
ant naturam, destruitur a sum-
mè contrario, siue sit manifesta
qualitate contrarium, vt eu-
phorbium caloris, opium frigo-
ris summo excessu: Siue occulta
& specifica vi, vt scorpij vene-
num, & canis rabies: Medica-
menta, alimentis & venenis
sunt interiecta vt medium extre-
mis, ἀσφαρὲν bono malo, οὐδὲν

περὶ ὧν ἵκνω & ἄγρο : neque destruunt naturam vt venena, neque eandem conseruant vt alimenta, per assimilationem scilicet ; sed vacuando noxium aut immutatam naturam ad suam temperiem reducendo : Purgantia vacuant noxium, Alterantia toti vel parti suam naturā restituunt: Purgantium quædam sunt alimentosa, vt prunorum decoctum, Tamarindi, Cassia, Manna quæ si frustra suo actu fiunt alimenta: Alia venenata, quæ nisi sint consequuta finem cui destinantur, non aliter quam venena foras excluduntur, alioquin maligna sua qualitate naturā læderent : eiusmodi sunt elleborus vterque, Colocynthis, scammoniū, & lapis lazuli: quibus non vtimur solis, nec nisi diligenter correctis & præ-

paratis : Vtimur autem corre-
ctis magna religione & urgente
necessitate: Huc pertinent Anti-
monium & præcipitatum, quæ
etiamnum sanis quotidie præ-
scribunt. Chymici ad præcau-
tionem; quamvis auctore Hip-
pocrate elleborus datus sanis,
colliquat carnem & totum cor-
pus conuellit : Nos præferimus
benigna & amica naturæ quæ
eccoprotica & minoratiua nun-
cupantur. Regula enim est gene-
ralis apud Mesuem: Medicamen-
tum eo salubrius esse quò natu-
ræ nostræ est familiarius, dete-
rius autem quò longius ab illa
recedit: Minoratiuis tamen sæpe
adiungimus, benignis & mali-
gnis interiecta: vt Rheum; Aga-
ricum & sennam, iisque vtimur
vel solidis, vt Cassia forma boli,
aut infusis, aut decoctis, aut in

puluerem cōminutis, quem vel
 alicui conseruæ commiscemus
 & opiatam conficimus; vel cum
 saccharo in aqua conueniente
 soluto in tabellas redigimus.
 Quos præparationis modos ve-
 stris extractis aut distillatis præ-
 ferimus, quia distillatione perit
 vis purgatrix, Recedit enim té-
 peries, a qua substantiæ similitu-
 do, efficiens causa purgationis;
 Similitudo medicamento cum
 humore purgando distillatione
 dissipatur, perit vis purgatrix,
 quam integrā deponit in aquam
 decoctionis conuenientis. Ex-
 tracta verò sunt calidiora quam
 vt conueniant febrientibus,
 non est tamen acutus morbus
 sine febre: Verè enim catharti-
 ca, quæ purgant cum delectu,
 omnia sunt calida; solentque à
 nobis propterea aliquo refrige-

rante temperari, Rheum, exem-
 pli gratia, quia calidum siccum,
 hepatis calidioris mors est, ni-
 si refrigerantibus temperetur: Vos
 tamen paratis illius extractum
 cum aqua vitæ, calorémque no-
 ui caloris accessione adaugetis,
 præstat infusum quàm extra-
 ctum, longior est, operosior, &
 crior vestra præparatio, minus-
 que efficax quam nostra: ergo
 inutilis. Noua placent ad tem-
 pus, sed cum amiserunt gratiam
 nouitatis, negliguntur: Veritas
 est filia temporis, Nostræ præ-
 parationes iam à multis sæculis
 sunt receptæ & approbatæ: Ve-
 stræ, si vt affirmatis veteribus,
 præsertim Arabibus, fuerint co-
 gnitæ, cur iacuerunt ad hunc
 diem contemptæ, nisi quod
 tempus demonstrauit hoc in-
 uentum esse inutile, ordinarios
 & consuetos præparationis mo-

dōs esse potiores, eosque purgandis & præparandis humoribus sufficere: Age verò à purgantibus ad Alterantia pergamus: Illa conferunt morbis depellendis, manifesta aut occulta qualitate: manifesta vt prima & secunda, Occulta, vt vi & proprietate specifica: Nos morbis calidis, vt intemperiei calidæ, inflammationi & erysipelati, medemur refrigerantium vsu, quæ nostro modo præparamus, malumque vti succis aut decoctis, quando herbæ suppetunt, quam aquis stillatitijs: quia in destillatis omnibus manet aliquod vestigium calorís quod ἐμπύρευμα Greci vocant, nos igniculum, stillatitijs aquis non vtimur nisi cum virentes herbæ non suppetunt: quia quidquid vi calorís sicci elicitur, seipso calidius redditur, addit semper igneus calor.

aliquid natiuo : Accedat quod frigida refrigerant & calida calfaciunt materialiter non formaliter : pendet enim vis calfaciendi , refrigerandi, humectandi , & siccandi à materia certo modo temperata , quæ temperies, si non perit, saltem minuitur destillatione, salua & integra manet in succo (est enim anima plâtæ) nec non in decocto. Ergo si primis qualitatibus sit pars alteranda, si calidior refrigeranda , frigidior calfacienda, tam sumptis quàm admotis: facile carebimus vestris remedijs : quanquam inopia succorum aut decoctorum lubenter utamur aquis stillatitijs. Ars vestra continet pauca bona , quæ nos probamus, lōge plura mala quæ nos damnamus : à maiori autem parte fit denominatio:

propterea artem spagyricam vt
 prauam, & inutilem repudia-
 mus: Perge! Secundis qualita-
 tibus medentur quæ emolliunt
 & quæ indurant Ergo iuduruerit
 pars aliqua, interior siue exte-
 rior non refert, emollienda erit
 vel assumpto aliquo emolliente
 vt Amoniaco: vel admoto: non
 sua materia seu fæce repurgato
 sed sincero & integro: quia
 emollit materialiter non for-
 maliter: materia certo modo af-
 fecta est basis temperamenti, à
 quo omnis actio: formæ enim
 physicæ non agunt nisi adiutæ
 materia certo modo tempera-
 ta: materia non est principium
 quod, omnis enim actio à for-
 ma, sed sine quo non, quia
 nisi illa fuerit certo modo affecta
 & conformata, forma manet
 otiosa: propterea per materiam

definitur, ab eaque ne cogitatione quidem est separabilis: in remedium materiam communi, qualē vos fingitis, Sale scilicet, sulphure & Mercurio, nō remanet natium rei temperamētum. Cum enim tēperamentū pēdeat ex modo mistionis, mistio ex qua tuor primarum qualitatum, calidi, frigidi, humidi aut sicci unione, quo iure in tres substantias sale, sulphur & Mercuriū mixta separatis? potestne in singulis totius temperamentum permanere? Quæ mixta constituebant certam temperiem, nunquid eam perdunt separata? placet ne ut aliquot morborum enumeratione demonstrem & veluti ob oculos ponam, egros à nostris remedijs maius auxilium sentire quàm ex spagyricis. Accipiamus in exēplum obstructionē,

est morbus frequentissimus: ob-
 struatur mesenterium, lien aut ie-
 cur, non refert: Tu exhibebis ali-
 quod destillatum, ut oleum aliquod
 chymicum: Ego vero decoctum
 ex detergentibus, incidentibus,
 & aperientibus: quale erit radi-
 cum aperientium & capillarium
 omnium, Agrimonij, Cichorij,
 &c. causam obstruentem ego
 citius & potentius deturbabo
 meo decocto quam tu tuo de-
 stillato: ratio est in promptu,
 quod destillata sint tenuissima-
 rum partium, à fœcibus quippe
 repurgata. Atqui vis efficax à
 tali subiecto citò vanescit, ignis
 enim elementaris ideo non urit
 quia calor est iunctus materiæ
 tenuissimæ; ferrum candens, in-
 quit Aristoteles, potentius cale-
 facit quam accensa palea, quia
 calor densiori subiecto iunctus
 fit ve-

fit vegetior: ignisurit lintēum
 aqua ardens tantum lambit:
 quare aut tuum distillatum pro-
 pter tenuitatem peruadit cau-
 sam obstruentem, vt lux aerem
 & corpus transparentes, puta vitru:
 aut antequam illam oppugnare
 incipiat tota vis dissipata eua-
 nescet: hic opus est inora: Ad-
 cedat quod omnis actio physica
 fit per contactum. Sint obstru-
 ctę mesenterij innumerabiles ve-
 nę, quomodo ad omnes feren-
 tur aliquot guttę tui destillati:
 At meum decoctum omnes su-
 bibit, illic diu morabitur inte-
 gra virtute, per moras tollet ob-
 staculū, mesenterium totum ob-
 struptione liberabit: Faciamus
 viscus aliquod vt Iecur, lienem,
 ventriculum inflammari: vena-
 sapius secta & clysteribus inie-
 ctis: ego assumptis, & admotis

refrigerantibus inelius egro succurram quàm tu quinta quavis essentia, quæ calore augebit ardorem. Methodici omnem medendi rationem duobus primis capitibus concludebant, primo vt fluor præter naturam sisteretur, hæmorrhagia omnis, diarrhœa, dysenteria &c. In quo summa laus & difficultas artis: Altero, vt quod contra naturam inest vacuetur. Fluor sistitur astringentibus; Astringentia omnia debent esse terrestres & crassæ substantiæ. Rhabarbarum infusum purgat, quia vim purgaticem deponit in liquorem, substantia sua astringit, astrictione alui fluorem sistit: At vestra remedia hoc potissimum nomine commendatis, quod sint fœcibus depurata, & materiæ crassæ mēto, distillatione aut extractio-

ne liberata, Acquirunt calorem
coctione , quæ oportet esse
frigida , austerâ , acerba , Er-
go ars vestra manca est præci-
pua parte Medicinæ : Crocus
martis quem tanti facitis , non
est vestrum inuentum, sed medi-
corum qui ex Hippocratis do-
ctrina medentur. Cum Heurnio,
alchymicæ nimium addicto, ita
concludamus : Colicos inquit,
cruciatus quos non potui sanare
oleo chymico nisi, eiusdem de-
cocto persanavi.

Examen capitis secundi.

E Picureis anima fuit pro sale,
tibi sal est pro anima ; neque
tantum materia est inanimato-
rum, vt lapidum & metallorum,
sed etiam animatorum omnium
anima. A sale Alchymia traxit

nomen, sal est Medicina illa singularis quæ à Chymistis tam studiòse perquiritur: est balsamum quo vegetant & conseruantur viuentia omnia, in medio mari pisces generat, si Magnes còquod trahat ferrum, à multis animatus credatur, nonnè sal
 „ potius qui præditus est virtute
 „ generandi & conseruandi viu
 „ uentia omnia animatus censer
 „ debet? hic est qui viuificat, qui
 „ calorem impertit, qui campos
 „ ridere facit, &c.

„ Si Campi ipsi tuas de Sale inc
 ptias rident, quidni ridebunt sapientes: qui vt solis dulcibus nutriri & conseruari docent omnia viuentia, ita falsis & amaris eadem offendi.

Salsa autem tellus & quæ perhibetur amara,

Fragibus infœlix, ea nec mansues-

cit arando,

*Nec Baccho genus, aut pomis sua
nomina seruat.*

Natura coctionum varias officinas instituit vt defœcaretur sanguis alimentarius & partibus salis repurgatus dulcis ad partem nutriendam appelleret: Equidem reliquit fel in massa sanguinis, sed paucissimum, vt eo veluti sale conditus, auidius appetatur: Neque tātula ista quantula est salis portio faceffit in substantiam partis nutriendæ, vi expultricis, vt corpus eterogenes ad sentinam ablegatur: Vrina falsa redditur excrementi sicci permistione, quod in hepate vis sanguifica secreuit, ren attraxit, vt dulcior sanguis in venas distribueretur: lotium falsum renes trahunt, non vt reseruetur ad vsum, sed vt tanquam nō-

eiuum excludatur, pisces in mari nutriuntur aqua dulci & potabili non salsa: Ergo cum eadem sint principia generationis quæ nutritionis, cum ijs constant uientia quibus conseruantur: generandis autem & conseruandis animalibus sola dulcia conferant, salsa illis sint infensissima: ijs enim animalcula omnia ut vermēs interficiuntur, eaque ut hostem capitalem refugiunt.

Potest ne Sal esse principium rerū naturalium? Medici iubent ut abstineamus, salis, salē dūtaxat prò condimento, hoc est paucissimum concedunt: Item animalia perfecta constant duobus principijs, semine & menstuo: Atqui semen fit ex dulcissima & purissima portione sanguinis, quod qui tecum dixerit salsum, rationi & sensui fidem omnem.

abrogabit : Menstrui portio
 quam secernit natura ad gene-
 rationem & nutritionem foetus,
 citra controuersiam est dulcis :
 portio enim terrestris vt excre-
 mentitia relinquitur, falsedo au-
 tem fit permistione sicci in hu-
 mido : cum igitur generationis
 vtrumque principium sit dulce,
 solis dulcibus constant viuentia :
 si quid salum forte subsit, id tan-
 quam excrementum & quid etero-
 genes subest : Itaque sal qui à
 Chymistis extrahitur ex jis quæ
 vixerunt, est factitius non natu-
 ralis : illi ipsi suo igne faciunt sa-
 les, non secernunt : nam quod
 secernitur actu existere necesse
 est in eo à quo secernitur : Um-
 bri, inquit Aristoteles inopia sa-
 lis naturalis ex arūdinibus vsuo-
 ne conficiebant salem quo vte-
 bantur loco naturalis : Vstione

acria deponunt acrimoniam,
 cætera euadunt acriora: Ca-
 lor viuentis debet esse mo-
 deratus, qui excedit, est febrilis,
 destructor non feruator: sales
 Chymici sunt caustici (in adu-
 stis enim omnibus manet Em-
 pyreuma.) Ergo non possunt
 viuens conseruare: quinimo nō
 possunt illis nisi contra naturam
 inesse. Belengerius in senatu
 patronus, non ita pridem labo-
 rabat diabete. Renes calidi sicci
 intempestiue serum emulgebāt;
 inde lotium multum, tenue, cru-
 dum, denique aqueum: pertæsus
 diuturnitatis, accersuit Turque-
 tum, primæ notæ Chymicum,
 ille verò (vt suspicor) cum exi-
 stimaret vrinas crudas ab intem-
 perie frigida ventriculi ortum
 ducere, sales Chymicos præscri-
 psit, quibus æger vsque adeò ex-

arfit, vt nullis refrigerantibus incendium extingui vnquam potuerit : Vir bonus & pius expertus est in terris purgantis ignis ardorem , quo depurata anima breui ad cœlum euolauit : corpus variis salibus condierat ad diuturnitatem. Disputationem sic concludamus : Principia debent inesse actu in iis quorum sunt principia : sal non potest esse actu in viuentibus nisi vt excrementum : Ergo generationis & conseruationis non potest esse naturale principium : sales Chymici sunt artificiales , Artificiale non potest esse principium rei naturalis, vt neque ars naturæ : Ergo falso à vobis sal constituitur rerum naturalium principium.

C Y

Examen capitis tertij.

Vulgare nitrum tanti facis,
 tam miris effers laudibus, ut
 non pudeat te illud assimilare
 Sacrosanctæ Trinitati : hoc est
 sacra prophanis & cœlum terræ
 permiscere : est materia pyrii
 pulueris, quo nihil vnquam per-
 nitiosius excogitatum est : Dia-
 boli est inuentum in perniciem
 generis humani : Illius tamen
 materiam veluti Trinitatis ima-
 ginem nobis adorandam pro-
 ponis : quod in vna hypostasi
 subsint tres essentiaë : Verum
 idem dixeris de mixtis omni-
 bus, proinde nihil habet admi-
 rabile: id enim solū admiratio-
 ne dignum est quod rarum, cum
 incipit esse commune cessat ad-
 miratio : minus tolerabile est

quod subiungis: vt ramus ex arbore ita filium à patre procedere: sunt enim tres personæ distinctæ: Noli iacere saltē in alienam messē, continetō te, si sapiſ, intra fines medicinæ, ne iustē conquærantur Theologi quod temere in eorum possessionē inuadas. Nitrarij vt conficiant pyrium puluerem sal petræ sua pinguedine repurgant, inde fœcata portione obseruas duplicem essentiam, vnā sulphurēā & inflammabilem cui analogia respondet calidum innatum: Alteram mercurialē quæ est aërea & spiritalis substantia, acida tamen, cuius causa nitrum in prunas proiectū non aliter quam castanea crepitat. Ecce Trinitatis mysterium a quo arcetur prophanum vulgus: restabat explicandum quæ substantia Patri,

quæ Filio , quæ Spiritui Sancto
 proportionē respondeat : Disce
 sapere ad sobrietatem ; ne ridi-
 culis comparationibus dijs vt
 hominibus sis infensus : propero
 ad examē quarti capitis, si prius
 admonuero nitri portionē sul-
 phuream & inflāmabilē calori
 natiuo & humido primigenio
 male cōparari, est febrilis po-
 tius iste calor, vstulator, destru-
 ctor quam conseruator : quo
 nullum viuens nutriri potest,
 quod oporteret si cum humore
 radicali tam bene consentiret.

Examen capitis quarti.

NON minus est ridicula com-
 paratio trium principiorum
 Chymicorum cum corpore, spi-
 ritu & anima: Comparanda po-
 tius erant cum partibus humo-

ribus & spiritibus quibus solis
 nos constamus : Nam animam
 à spiritu per pauci philosophi di-
 stinxerunt: humoresque præter-
 mittis qui, siue principia spectes
 generationis, semen & men-
 struum, siue humores quatuor
 ad vitam necessarios; præcipuū
 tenent locum in animalium con-
 stitutione: quod magis miror
 cū Chymiam multi ἀπὸ τῶ χυμῶ,
 ab humore, nomen accepisse exi-
 stiment: Videris salem corpori,
 animam sulphuri male compa-
 rare, qui superiori capite salem
 dixeris animam viuentium. Tibi
 sal generat, conseruat viuificat,
 perficit omnia At corpus ab alio
 generatur, conseruatur, perfici-
 tur, animatur. ! Principia vero
 physica quæ vos ponitis, viden-
 tur nobis tam absurda, vt nihil
 vnquam apud physicos legerim.

absurdus : Aristoteles demonstrat principia debere esse prima, ex quibus primum fiant & in quæ postremo resoluantur omnia, quo argumento aduersus Empedoclem cōcludit quatuor elementa non esse naturæ principia, quia non sunt simplicissima & absolute prima: sunt quidem corpora prima & simplicissima, sed non absolutè prima, quia singula constant materia & forma, partibus toto simplicioribus & natura prioribus. Principia inquit Arist. non apparent sensu sed ratione cognoscuntur. At vestra principia non tantum sentiuntur, sed etiam sunt mixta: non tantum constant quatuor elementis in eaque tandem abeunt, sed etiam vnumquodque est alterius principium : Nam ex sale fit sulphur, ex sulphure spi-

ritus : quæ sunt à natura principi-
pii alienissima: Adhæc principia
phyfica non tantum mixtorum
sed etiam elementorum debent
esse communia, alioquin non es-
sent prima & communissima:
daretur in natura aliquod cor-
pus quod istis principijs non
constaret: Atqui nemo prudens
dixerit singula elementa consta-
re sale, sulphure, & Mercurio:
esset enim effectus simplicior &
natura prior sua causa: itaque nō
sunt rerū naturalium principia:
Præterea non possunt vniri ad
generationē mixtorū nisi misce-
antur, non possunt misceri nisi a-
ctione & perpeffione mutua pri-
us alterentur, non possunt in-
ter se se agere & pati nisi fue-
rint contraria (neque enim si-
mile agit in simile) cum ergo
sint substantiæ, substantia au-

rem substantiæ non aduerse-
 tur, non possunt esse principia.
 Verum dices; vnūquodque pri-
 mum ex his conponitur in quæ
 postremo resoluitur, Nos au-
 tem mixta omnia in hæc tria re-
 soluimus: Vos inquam resolui-
 tis, non natura: At principia re-
 rum naturalium dicuntur, ex
 quibus res suas natura facit &
 in quæ eadem resoluit: Natura
 multiplici coctione facit sangui-
 nem ex pane; non est propterea
 panis principium sanguinis, ne-
 que secernitur sanguis a pane;
 quia actu in eo non inest, sed cū
 panis multiplici coctione verti-
 tur in sanguinem, materia fit
 actu quod poterat esse: Itaque
 sanguis est in materia panis po-
 tentia, non actu: potentia in-
 quam remota non proxima:
 quomodo iuxta Anaxagoræ de-

cretum à vobis toties vsurpatum, omnia sunt in omnibus & ex quolibet quodlibet : facilior est transitus sanguinis in carnem & reditus carnis in sanguinem quam panis in metallum aut metalli in panem transmutatio: tamen cum metallum dissoluetur tandem in elementa a quibus conflatum est, quod terrenum est redditum fuerit terræ, quod aerium aeri, igneum igni, aqueum aquæ: fieri poterit (posito enim eo quod fieri potest nihil absurdi sequitur), vt elementa non tantum specie, sed etiam numero eadem concurrant ad generationem tritici, ex quo fiet panis; ex pane sanguis ex sanguine caro: Ecce vt materia prima omnia transformat se in miracula rerum. Quas doctrinæ Peripateticæ delicias præ-

flaret te didicisse quam tartareis principiis tam studiose favere: vix potest esse constans & permanens ædificium quod fundamentis caducis superstruitur: Non possunt esse conclusiones veræ ex tam falsis principiis.

Accedat quod Aristoteles in Metaphysicis generationem distinguat a compositione quod natura sola generet, Ars autem componat: differunt, quod artifex ex duobus actu existentibus res suas faciat, vt Architectus domum ex cæmento & lapidibus: Natura generet mutatione potentiæ in actum, facit enim per alterationes multas tandem vt materia sit actu quod poterat esse. Atqui ex tribus principiis iam actu existentibus constitutis omnia: Ergo compositionis non generationis principia assi-

gnatus: quod est proprium artis
 falso naturæ tribuitis, compo-
 sitionem explicatis non genera-
 tionem. Item si arte secerni pos-
 sint principia generationis con-
 cretione nata sunt nō mixture:
 Nam quæ miscentur tota totis,
 & secundum partes omnes mis-
 centur, non est particula quan-
 tumvis exigua quæ non sit, mix-
 ta, Apposita quidem & confusa
 separari possunt, mixta nun-
 quam, nisi a natura ipsa: Aut quæ
 ponitis principia sunt falsa & te-
 merè conficta, aut mixta non
 sunt mixta, sed concreta, & per
 confusionem orta, non aliter
 quam crama, confusa aqua cum
 vino.

Examen capitis quinti.

Propositum tibi erat Medi-
 cinæ Priscorum materiam
 & preparationis modum expli-
 care: quam tu exordiris ab auro
 potabili: me iudicē parum pru-
 denter, quis enim pretio & opē-
 ris difficultate deterritus tuam
 Medicinam non refugiat? edi-
 tus est à quindecim annis plus
 minus libellus de auro potabili à
 Præside quem vestra Medicina
 ex Croeso Codrum reddiderat
 (scis quem velim recens enim
 est memoriā) pollicetur omni-
 bus istius auri potu tam longam
 vitam quàm patribus erat diui-
 nitus concessa primis duobus
 millenarijs: Adamum ipsum usu
 auri potabilis in tam multos an-
 nos vitam protraxisse: Obtule-
 rat Regi Henrico tertio cum
 libello suo, aurum potabile,
 quo si vteretur, nestoreos annos

viueret : Rex prudentissimus
 cum obseruaret hominem in
 ætatis flore fame confectum,
 iam iam habere pedem in cym-
 ba, serua tibi inquit hanc potio-
 nem cuius vsu tu ipse tibi vitam
 conserues : paulo post cum suo
 auro miser interijt: promittebat
 alijs quod sibi dare non pote-
 rat : Vos tam liberales estis, vt
 pollicitis ditetis omnes, vel fa-
 me vestri omnes percunt, vel a-
 nima ex sufflata, vel ignis ardo-
 re desiccato copore : si qui sint
 paulo sapientiores, vt vitent
 scyllam, incidunt in Charibdim:
 vt vitent paupertatem, conuer-
 tunt operam omnem ad con-
 fectionem auri, tandemque vt
 monetæ adulteratores cruci af-
 figuntur : Odi sapientem qui non
 sapit sibi: cum sint ad singultum
 siticulosi, alijs auream potionem

exhibent proximus est quisque sibi, naturale est malle sibi melius quam alteri: Age vero missis iocis si possint præstare quod pollicentur cum ratione disquiramus. Ego contendo etiam si possetis reddere aurum potabile, tamen ea forma minus esse cardiacum quam foliatum aut pulueratum, ut solet a nobis quotidie exhiberi: Modus ille conficiendi aurum potabile quem tu exponis, non tantum longus, carus & difficilis: sed ut peritiores Chymistæ affirmant est impossibilis: Esto tamen possibilis & vilis pretij, non potest tamen præstare quod polliceris: vitam longam, naturæ & viriû robur, conservationem sanitatis: Nam ut succus perhibetur sanguis & anima plantæ, sic vis, atque ut dicitis, vita metalli confi-

sit in humido; non tantum hu-
 more veluti glutine siccitas ter-
 rena continetur, sed etiam inde
 energia omnis illi accedit: At-
 qui ut fiat aurum potabile in cal-
 cē quinetiā in cinerē redigitur,
 Ergo humore suo, proinde viri-
 bus omnibus spoliatur: Minera-
 lium omnium ut metallorum &
 lapidum duo sunt principia
 coniuncta, terrestris siccitas &
 humor aqueus: Theophrastus:
 appellat terram & aquam: Aris-
 tot. Vaporem & exhalationem:
 differunt tamen quod in lapidi-
 bus dominetur siccitas, in me-
 tallis humiditas, cuius causa sunt
 liquabilia: si quis lapis abundet
 humido pingui instar metalli,
 est Equabilis: Atqui vestra præ-
 paratione exhauritur humiditas
 omnis Ergo priuatur suo prin-
 cipio actiuo, solum passiuum re-

linquitur : faciamus aurum ut
 cætera metalla constare hydrar-
 gyro & sulphure tanquam ma-
 teria proxima & magis sensibi-
 li, faciamus calcinatione non
 spoliari istis duobus principijs
 sed vtrumque integrum rema-
 nere post præparationem : vitali
 facultati ex argento viuo & sul-
 phure quodnam robur accedere
 potest? Si quam habebant vim
 cardiacâ, illa disparuit incinera-
 tione: præstat igitur dare aurum
 foliatum aut pulueratum quàm
 liquidum. De perlarum magiste-
 rio & lapillis pretiosis idem esto
 iudicium, quibus incineratis
 non potest vis non deperire.

Examen capitis sexti. 72

Sane non potest aurum pro
 merito laudari, est enim ani-
 ma ge-

ma genetis humani cuius præs-
 sentia vivimus eiusdem inopia
 morimur: prius auro est cor-
 pus absque anima: Verum ne-
 que videtur conferre vitæ pro-
 ducendæ, neque roborandæ: Vi-
 ta consistit in permanfione calō-
 ris in humido, primigenij humo-
 ris, qui assidue dissipatur repara-
 tione vita conseruatur: Est na-
 turale balsamum, cuius iacturam
 ars quantum potest resarcit, re-
 ponit enim aliud simile in lo-
 cum deperditi: balsamum hoc
 artificiale petendum est potius
 ab his quæ vixerunt: plantis sci-
 licet & animalibus, quam a me-
 tallis & gemmis, facilius enim
 est transitus inter ea quæ sub-
 stantiæ aut qualitatis symbolo
 communicant: Accedunt pro-
 prius ad naturam nostram ani-
 malia quam plantæ, Plantæ

quam metalla : Itaque balsamum artificiale potius ab animalibus & plantis, quam a metallis aut gemmis petendum est : Conseruatur vita assimilatione alibilis succi, Assimilari non potest viuenti quod nunquam vixit, quia deest illi vitale principium, quemadmodum in ambustis manēt ignis reliquæ, qui neciam in animalium stercorebus vitalis caloris vestigium relinquitur, a quo infiniti generis animalcula generantur, ita vitalitatis radicale principium occultum latet in omnibus quæ vixerunt, cuius causa facilis eorum est trāsmutatio, quod principium deest ijs omnibus quæ nūquam vixerunt, cuiusmodi cū sint metalla & lapides pretiosi : Haud dubie carent assimilationis primo fundamento : Na-

tura medica, Ars tantum illius
 ministra: proinde ars non potest
 dare quod natura denegavit: au-
 ro & gemmis non inest vite prin-
 cipium, quomodo igitur sumpta
 vel admota facultatem vitalem
 roborabunt. Consiste igitur no-
 biscum in Hippocratis & Galeni
 Medicina, quæ mauult ex plan-
 tis & Animalibus eorumque par-
 tibus petere materiam alimen-
 torum & medicamentorum quã
 ex metallis & lapidibus: quia
 sunt familiariora & magis amica
 nostræ naturæ: fortassis materia
 chirurgica ex his commodius
 petitur, quæ in adinouendis re-
 medijs tota vertitur, sed materia
 medica, quæ in assumendis con-
 sistit, potius ex plantis quam ani-
 malibus requirenda.

*An extet quinta essentia in mundo
sublunari.*

Nihil tam pertritum quam
quinta essentia, nihil tamen
æque dubium & ignotum: A vul-
go chymici, Spagyrici nuncu-
pantur, quasi quintæ essentiæ ex-
tractores; Ego verò non extare
in mundo elementari quintam
essentiam demonstrandum re-
cipio, nomenque Spagyrici esse
prorsus inane contendo, cui nul-
la res subsit, est titulus sine re.

Non est dubium ex quatuor ele-
mentis à cælo hic fieri omnia,
concurrit autem cœlū ad gene-
rationē mixtorū vtefficiens, non
vt materia: efficiēs autem est cau-
sa externa, nam ex quatuor cau-
sarū differētijs, duæ sunt internæ
materia & forma, totidem ex-
ternæ, finis & efficiens: Cœlum
autem non misceri quatuor ele-

mentis Aristoteles ex hoc demonstrat quod sit ἀσύμμετρον Incomparabile, impropotionatum: Sola autem σύμμετρα miscentur, Appellat symblita quæ communi materia participant: Atqui cœlorum materia est loco mobilis, non mutabilis, habet potentiam ad ubi non ad esse, vt loquitur D. Thomas, non habet adiunctam priuationem, principium malificum, cuius causa assidue mutantur quæcumque ex elementorum mixtione orta sunt: immixtum igitur cœlum concurrat ad generationem mixtorum, vt efficiens, non vt forma aut materia, vt externum non internum principium: non sum nescius animam mundi per vniuersum, diffusam Platonicos inducere, cuius participatione fiant omnia animalia &

viuant: Verum si diffusa est ani-
 ma per elementa, quidni illa
 animata? Cum sint contigua
 non continua, distincta qualita-
 tibus tam materialibus nempe
 grauitate & leuitate, quàm for-
 malibus: calore, humore, frigo-
 re & siccitate: potestne omnium
 communis esse forma præfer-
 tim quæ sit anima? Stoici fin-
 gunt ignem quendam opificem
 quem appellant causam conti-
 nentem seu conseruatorem vni-
 uersi, hunc, ignem esse spirita-
 lem & calidam substantiam di-
 spersam per vniuersum quæ ge-
 neret omnia ex quatuor ele-
 mentis: Verū Aristoteles agnos-
 cit quidem opificem calorem
 qui vbique gentium & loco-
 rum tam animata quàm inani-
 mata generat, verum non ap-
 pellat illum substantiam, sed æ-

accidens, non existimat hîc permanere, sed quotidie cœlorum motu nouum excitari, qui cœlitus descendat ad conseruationem elementaris mundi: Quatuor igitur sunt essentię duntaxat quę conueniunt ad generationem mixtorum omnium: Cœlum qualitatem tantum, nempe calorẽ contribuit, nullam substãtiam. Consideremus diligentius si in mixtis ipsis præter elementares quatuor reperiri possit quinta essentia. Constam⁹ partibus, humorib⁹, & spiritib⁹us, spiritus sunt ignei aërei, minime ecclestes, sit enĩ animalis ex vitali, vitalis ex naturali, qui nihil est aliud quam vapor sanguinis: Atqui substantia vaporis citra controuerſiam est elementaris: nemo vnquam vaporem dixit cœlestem: Itaque in mundo su-

blunari nulla extat quinta essen-
tia : vt autem sol suo calore sus-
citatè terris halituũ duo prima &
præcipua genera ad quæ cætera
referri possunt, vaporẽ aqueum,
& exhalationem partim aëriam,
partim igneam : ex vapore fiunt
meteõra aquea , pluuiæ , nix
grando : Ab exhalationis parte
ignea , cometæ , stellæ caden-
tes, trabes ; parte aërea , venti :
Ità vos de mixtis igne artificiali
excitatis vaporẽ, materiam pro-
ximam aquarum : & exhalatio-
nem : quæ si fuerit pinguis & ole-
osa producit olea , si tenuior &
siccior, spiritus : At hic nihil nisi
elementare, in his artis operibus
nulla quinta essentia : Inerant
meteõra in vapore & exhala-
tione verum potentia non actu :
proinde ab iis malè dixeris se-
creta : quo iure igitur Alchymia

extrahet quintam essentiam ab
 elemētatis cum natura ipsa non
 possit? Forma mixti vel est tem-
 peries, vel temperiem proxime
 sequens essentia: Atqui tempe-
 ries dissolvitur secretionē: ergo
 forma Physica est inseparabilis
 a materia: vt desinant posthāc
 spagyrici moliri secretionem
 quintæ, id est cœlestis substātiæ:
 Sola quippe mens cœlitus in-
 fluit, cœteræ formæ sunt ele-
 mentares, vt connascuntur ita
 commoriuntur materiæ; Sola
 mens inquam est separabilis:.

*Similibusne, an contrarijs remedijs
 morbi sint profligandi.*

PRimum medentis confi-
 lium est inuenire remedium,
 quod depellendo morbo sit ac-
 commodatum: Idem est pro-

positum chymicorum, idem, scopus, verum longe diuersa via ad istam metam contendimus: illi enim usu similium conantur morbos superare, nos contrarijs oppugnamus: Hanc Hippocratis doctrinam morborum inductione Galenus multis locis sed ex professo lib. de constitutione artis demonstraui: Viæ sunt tam differentes vt si hac insistentes via ad metã perueniat, qui altera incedit ab ea longe aberrabit: Si Chymicus similibus expugnet morbum, Hippocratis sectator nunquã usu contrariorum eundem expugnabit: proinde qui doctrinam Hippocratis inuictis argumentis confirmarit: ille eadem opera Chymicam confutabit: Age vero.

Contrariorum contraria sunt consequentia, sanitas seruatur

similibus, Ergo morbus contra-
 rijs depellendus : Item vt sani-
 tas in mediocritate consistit,
 ita morbus in excessu aut defe-
 ctu: Atqui excessus omnis auge-
 tur simili: Qui calefactum cale-
 faciet, addet ignem igni, incen-
 dium simili non extinguet:
 morbos à repletione sanat ina-
 nitio, morbos ab inanitione re-
 pletio: quis enim nisi demens ad
 singultû famelicum inedia per-
 curabit? Ad hæc alimenta diffe-
 runt à venenis quod hæc natu-
 ram destruant, illa conseruent:
 medicamenta vero vtrisque in-
 teriecta, neque corrumpunt na-
 turam vt venena, neque eandem
 confirmant, vt alimenta, per as-
 similationem scilicet, sed per va-
 cuationem noxi, aut alteratio-
 nem: non vacuatur noxium si-
 mili, quia omnis actio à contra-

riò, simile non agit in simile. Alteratio vero est qualitatis in contrarium mutatio, vt calidi in frigidum, humidi in siccum: ergo morbi contrarijs non similibus remedijs sunt depellendi: Audio quid aduersarij sint responsuri: Natura inquit, morborum Medicatrix, Medici illius tantum ministri: Naturam qui dicit vires dicit, seu facultates à quibus totum corpus gubernatur: Nos vero naturam morbi violentia propemodum prostratam erigimus similibus, imbecilliores vires firmamus, Denique facultatibus omnibus robur addimus: Natura nostris auxilijs roborata hostem potentius expellit: proinde nostris remedijs si nò per se primo, saltẽ ex accidenti, si non directe, saltẽ oblique morbi profligantur.

Egregiũ saneresponsum: Nobis idem est consilium vobiscum, seruare vires & morbum oppugnare, sed morbum oppugnamus suo contrario, vires seruamus simili, nempe alimento non medicamento. Imo si fieri possit deligimus remedium quod sit quodam modo dissimile; substantiã cum natura consentiat, qualitate dissentiat a morbo, vt sit in medicamento alimentum, Alimentis vtimur quæ refrigerent si morbus fuerit calidus, quæ calfaciant si morbus frigidus, vt substantia sua per assimilationem roboret naturam, qualitate vero contraria, morbo & morbi causæ resistat.

Hydrops ad matulã cui transfuga iste Turquetus tot Salium speciebus medebatur, ortum ducebat ab intemperie renum

calida sicca , simili remedio-
nempe valde calido ignem au-
xit in suo foco , addidit oleum
camino : naturam ergo non ro-
borauit, sed funditus destruxit:
Dispeream siquid vnquam lege-
rim ista doctrina futilius : Ana-
xagoræ tolerabilior erat opinio
de niue nigra , aut Zenonis de
quiete vniuersi.

N Equis existimet imponi pa-
racelso , quod suam Medi-
cinam diabolicam candidè pro-
fiteatur , adscribam eius verba
ex libro de origine morborum
inuisibilium. pag. 238.

*Hoc in cordibus nostris medite-
mur, quod Deus Medicinã creauit,
quare a characteribus quos describo
si quid boni accidat, id vobis sit tan-
quam fœnum aut gramen : Etiam si
meri Diaboli essent, sint vobis tan-*

quam thecæ Pharmacopœorum: Hoc fundamentū statuite: salus ex inimicis nostris & de manibus eorum qui oderunt nos.

Potuitne euidentius confiteri suam Medicinam esse Diabolicā? Pernitiosus nebulo suadet, ut Cacadæmonis auxilium imploremus ab eoquē sanitatem requiramus; abutiturque malitiose authoritate sacre pagine: subiungit rationem. pag. 241.

Quid aliud nobis indicatur hoc præcepto: Omnia probate quod bonum est tenete, quam ut si possimus, Diaboli artes omnes ediscamus? Artibus autem utamur & Diabolū omittamus: Discendæ nobis sunt omnes artes, omnia tentanda: Ideo enim nati sumus ut minor discat a maiore; Diabolus est doctior nobis, proinde si illius artes callemus, Deum non offendimus: Licet autem non

sint similes nostris sunt tamen cognata: quod si pro herba verbum exhibeat, id sit pro herba: nemo tamen existimet verba & characteres esse Diabolos, verba sunt illius species, characteres sunt composita, sunt syrupi: Talia autem nascuntur in regionibus ubi degunt.

Potuitne dici aut excogitari quidquam insulsius aut monstrosius. Hæc opinionum portentosa. Non sani esse hominis, non sanus iuret Orestes. Non tantum confitetur sc. Diaboli discipulum, a quo Medicinam didicerit, sed inuitat omnes ad querendum talem magistrum: Sequitur demonstratio. pag. 244.

*Cum tam mali quam boni spiritus creature Dei sint, creatura quoque Dei erit quicquid illi possunt: Nemi-
ni curæ sit: Unde bona adueniant:
Nam siue a bonis siue à malis spiriti-*


bus procedant. Certum est quod à Deo sunt: Nam si non probaret artes diaboli, memento eas exscinderet, quod non exscindit, certum est quod non odit, imò quod faueat illis: Porro quid mali in his artibus? nihil equidem nisi quod eas deprauamus ipsi.

Demōstratio eiusmodi: Quicquid a creatura Dei proficiscitur habendum est tanquam à Deo ipso profectum: Atqui tam boni quam mali spiritus creaturæ Dei sunt, ergo artes omnes quæ nobis tam a malis quam à bonis spiritibus contingunt habendæ sunt tanquam a Deo profectæ. Hinc tandem concludit benè longo sermone Magiam non minus amplectendam quàm Christi religionem vtrunque enim a Deo: quamuis magia a malo, religio a bono sit profecta spiritu: ceremoniis vtramque deprauari.

quæ sunt hominum inuenta,

Tale facinus quis non iudicet vindicibus flammis expiandum? An non liber iste cum suis sectatoribus publicè comburendus? Nemo posthac miretur si ab ista doctrina tantoperè abhorreat Collegium Medicorum Parisiensem: de cuius sectatore Quercetano, quinetiam de Alchymia, tale tulit decretum,

SCHOLÆ PARISIEN-
SIS IUDICIUM, DE AL-
chymia Quercetani.

OLLEGIVM Me-
dicorum in Acade-
miâ Parisiensi legitimè
congregatum audita
renunciatione Censorum, quibus
demandata erat provincia exami-
nandi librum Iosephi Quercetani de
materia, & præstantia Veteris Me-
dicinæ: non tantum Quercetani li-
bros spagyricos damnat vnanimi
consensu, sed etiam artem ipsam spa-
gyricam: Omnesque Medicos qui
vbiquè gentium & locorum Me-
dicinam exercent hortatur, vt ex
Hippocratis & Galeni doctrinâ fa-
ciant Medicinam. Quinetiam pro-
hibet, nequis ex hoc Medicorum Pa-
risiensium ordine, cum Quercetano,

*alijsue Spagyricis, aut à facultate
non probatis consilia Medica ineat:
qui secus fecerit, Scholæ emolumētis,
& Academiae priuilegijs priuabi-
tur, & ex Medicorum regentium
albo expungetur.*

*Datum Lutetiæ. In Scholis superio-
ribus, die 9. Septembris anno
salutis. 1603.*

G. HERON. Decanus.

Errata sic corrigito.

P Ag.3. pro sufficium lege suf-
 ficient pag.4 pro lutætiæ, le-
 ge lutetię: pag. 10. pro θάων lege.
 θάων pag.12. pro distilatione lege
 distillat. pag. 18. pro colocin-
 thidem pag. 23. pro catum, lege
 cautum pag. 39. pro ἀδιάφορον le-
 ge ἀδιάφορον pag. 42. pro deco-
 ctionis, lege decoctionis: